

O nama

„Centar za pravnu pomoć ženama“ Zenica je, shodno važećoj zakonskoj regulativi, registrovan kao udruženje građana, rješenjem Ministarstva pravde Zeničko-dobojskog kantona broj 08-72-24/96 od 17.10.1996. godine, od kada djeluje kao samostalna, nevladina, neprofitna, vanstranačka organizacija.

„Centar za pravnu pomoć ženama“ su osnovale diplomirane pravnice iz Zenice, sa željom da u poslijeratnom periodu pomognu ženama u ostvarenju i zaštiti njihovih osnovnih ljudskih, a posebno ženskih prava. Svrha osnivanja, odnosno osnovni ciljevi Centra su bili i ostali:

- Organizovano pružanje besplatne pravne pomoći ženama koje imaju problema u realizaciji prava koja im pripadaju po zakonu, ili je već evidentirano kršenje prava,
- Osiguranje pravne i psihološke podrške ženama u ostvarivanju njihovih prava,
- Promicanje prava žena u svim područjima djelovanja,
- Podizanje svijesti žena, u svim sredinama, o njihovom stvarnom položaju i potrebi usklađivanja istog sa općeljudskim standardima,
- Educiranje i informisanje žena o temeljnim pravima i mehanizmima samozastupanja u slučajevima ugrožavanja njihovih prava, te ukazivanje javnosti na probleme vezane za poštovanje ženskih ljudskih prava i predlaganje rješenja za njihovo prevazilaženje,
- Educiranje studentica prava o praktičnoj primjeni zakona,
- Educiranje mladih djevojaka o feminizmu, spolnoj diskriminaciji, prevenciji nasilja,
- Zagovaranje povećanog učestvovanja žena u tijelima odlučivanja u cilju izgradnje trajnih mehanizama za postizanje zadovoljavajućeg nivoa poštovanja ženskih ljudskih prava,
- Podržavanje razvoja preventivnih programa u cilju zaštite žena od domaćeg nasilja, ekonomske eksploatacije, trgovine ženama,
- Praćenje domaćeg i međunarodnog zakonodavstva,
- Podržavanje razvoja ženske mreže za efikasniju zaštitu ženskih ljudskih prava,
- Saradnja sa nevladinim i vladinim organizacijama koje se bave pitanjima žena.

Na području Zeničko-dobojskog kantona koji pokriva područje od 3950 metara kvadratnih sa oko 420.000 stanovnika, od čega je više od 60% žena, ne djeluje niti jedna organizacija koja se bavi pružanjem besplatne pravne pomoći ženama, zbog čega je rad Centra od iznimne važnosti za zaštitu prava žena.

Aktivnosti Centra realizuje tim od dvadesetak žena, pravnica i drugih obrazovnih profila, uz stalni angažman određenog broja volonterki.

MISIJACILJEVIUREDI